



# САМУРДИН СЕС

«Магъарамдхуъруън район» МР-дин  
общественно-политический газет.  
Общественно-политическая газета  
МР «Магъарамкентский район».

ГОЛОС САМУРА

Газет 1951- йисалай акъатзава. № 18 (7946) киш, 4 - май, 2019- йис. Къимет 6 манат.

## Рамазандин варз МУБАРАКРАЙ!

ГЪУЪРМЕТЛУ РАЙОНЭГЪЛИЯР!  
Чна чи ватанэгълийриз, вири мусурман-  
риз, азиз Рамазандин пак тир варз алу-  
къун риклин сидкъидай мубаракзава.

Мусурманар патал и пак сувар  
хийирлу крар гъидайди хъурай, къуй ада  
гъар са квалит сад-садан гъавурда  
акъадай меслятлувилини гъалар гъурай.  
Квез инсанрин арада жуърэтлувал, ин-  
санпересвал, ислягъвал ва дурумлувал  
мягъкемаруниз таъсирдай къуват гу-  
рай.

Аллагъди квез виридаз, гъуърмет-  
лубур, сифтени-сифте мягъкем сагъ-  
вал, хизанда чехи гъуърмет-хатур ва  
берекат гурай.

**Фарид АГЪМЕДОВ,**  
«Магъарамдхуъруън район»  
МР-дин къил.

## Т Е Б Р И К

Гъуърметлу районэгълияр! Ингъе  
џинин пак тир Рамазан варзни чаз мугъ-  
ман жезва. Рамазан- им Аллагъ таала-  
ди пак тир калам- Къуръан ракъурна-  
вай варз я. И вацра вири дуъньядин му-  
сурманри Аллагъ таалади чпин хиве  
ферз яз тунвай вад шартлуникай са  
шарт- сив хуън къиле тухуда. Къуй  
вири мусурманри хуъзвай сивер, ийизвай  
дуъаяр, гузвай садакъаяр Аллагъ таа-  
лади къабурлай. Чи хуърера, квалера ис-  
лягъвал, бахт-берекат хъурай.

Къуй Аллагъ таалади џинин Рама-  
зан варз мусурманриз лайихлу тир  
къайдада къиле тухудай клеви тир Иман  
гурай. Амин.

**«Самурдин сес» газетдин  
редакция.**

## СУВАРИН ТЕБРИК



1-МАЙДИЗ чна гатфарин ва зегъметдин сувар къейд  
ийиз яргъал девирар я. И суварихъ девлетлу тарих ава  
ва ам вири дуъньяда зегъметчийрин гегъенш къатарин  
ихтиярар хуънихъ галаз сигъ алакъада ава.

Майдин йикъахъ галаз чна са жерге агалкъунар  
алакъалу ийизва, месела, муъжуд сятинин кваллахдин  
югъ, гъар гъафтеда ял ядай югъ гъа и йикъан къазан-  
мишун яз гъисабзава.

Виликдай зегъметчийрин международный югъ яз  
къейдзавай и сувар къени зегъметчи халкъ тупламиш  
хъунин югъ яз ама. Ада тебиат џийи хъхъун, гележег  
хъсан ва гуърчег жедайдахъ инанмишвал лишанлу  
ийизва.

За райондин вири агъалийриз гатфарин, гъакъикъи  
халкъдин сувар риклин сидкъидай мубаракзава. Къуй  
квехъ вирибурухъ мягъкем сагъвал, хизанда хушбахт-  
вал, суварин гуъгъулар ва зегъметда агалкъунар хъу-  
рай.

**Фарид АГЪМЕДОВ.**  
«Магъарамдхуъруън район» МР-дин къил.

ИНТЕРВЬЮ

**РОССИЯДИН Федерациядин Президентдин 2019- йисан 30- мартдиз кябулай 135- нумрадин Указдин бинедаллаз, алай йисан 1- апрелдилай Магъарамдхурьун районда гражданар военный кьуллугьдал эвер гунин гатфарин призыв башламиш хьанва. Идан гьакьиндай чи корреспондент РД- дин Магъарамдхурьун райондин военный комиссар Эльман Гьажиевахь галаз гуьруьшмиш хьана ва гатфарин призыв физвай гьалдин гьакьиндай са шумуд суал гана.**



## ГАТФАРИН ПРИЗЫВ

**- Эльман Рафикович, 1-апрелдилай башламишнавай гатфарин призыв мусалди давам жеда ва цинин йисуз шумуд призывник пак буржи тамамариз рекье твазва?**

- Гатфарин призыв 1- апрелдилай 15- июлдади давам жеда. 2019- йисуз военный кьуллугь авунин вахт 12 варз яз амазма. Яшар тамам хьанвай жегьилар кьуллугь ийиз фидалди призывдин комиссиядал кьезва. Нетижаяр кьурдалай гуьгьуниз призывдин комиссияди жегьилар воинский частариз ракурунин гьакьиндай кьарар кьабулзава. Алай йисуз гатфарин призывдик акатнавай 65 касдикай 40 кас ракурун фикирдик ква. Гьелбетда призывдик акатнавай 1992- 2001- йисарин жегьилрин арада кьуллугьиз физ кьанзавайбурун кьадар гзаф я. Амма кьилин образование кьачун ва я маса делилар себб яз акьвазнавайбурувай гуьгьунин йисара кьуллугь хьийиз жеда. Чна 15- июлдади гражданриз военный кьуллугьдал эвер гунихь галаз алакьалу вири месэляар акьалтларун, военный командаяр тешкилун ва абур кьул-

лугь кьиле фидай чкайриз рекье тун патал РД- дин кьватлдай пунктуниз агакьарун герекзава лагьай члал я.

**- 2018- йисав гекьигаила призывникрин кьадар тимил хьуниз квевай гьихьтин баянар гуз жеда?**

- Эгер виликдай контрактниквиле фин патал кьилин образование, армиядин жергейра кьуллугь авун чарасуз тиртла, гила аттестат гьиле авай гьар са касдивай икьардин кьуллугьдал физ жеда.

Чи военный комиссариатдин махсус комиссиядин ахтармишунрилай гуьгьуниз абуроз икьар кутлундай ихтияр ава. Алай вахтунда районда 500 контрактник ава. Курилдин островрилай башламишна Калининграддал кьван чи районэгийри икьардин кьуллугь тухузва. Сад лагьай контракт 18 йисалай 40 йисалди кутлундай ихтияр ава. Гьакьни алатай йисуз районда 20 жегьил высший военный ВУЗ- рик экечлнава. Им гьар хуьре са офицер хьун, чи дамах ва кьилин винизвал я.

Гьакьни чи военный комиссариатди призывникрин хушуниз килигна, призыв башламишдалди технический пешекарвал кьачун патал ДОСАФ-

дин образовательный учрежденириз рекье твазва. Ихьтин образование гвай, гзаф аялар авай, клева авай хизанрай тир аялриз куьмек гуз алахьзава.

**- Эльман Рафикович, куьне кьуллугьиз физвай жегьилриз гьихьтин меслятар, несигьатар гузва?**

- Гьар сеферда, райондай фенвай призывникдин диде-бубадин адресдиз воинский частунай чухсагулдин чар хтайла чаз гзаф шад жезвайди я. Аялар рекье твазвай са бязи диде-бубайрин секинвал, кьайгьусузвал акурла чун мягьтел жезва. Гьар сеферда призывникрихь галаз ихтибарлу ихтилатар авун, меслятар авун, меслятар гун, абур пис- хьсандан гьавурда тун чаз адет хьанва. Зи мурад, гьар сада члехи бубайрин, стхайрин хьсан крарилай чешне кьачуна, намуслувилелди кьуллугьна, кьегьалвилелди хайи Ватандиз хтун я. Кьуй абурун кьуллугьдал гьанин руководстводи ва чкадал алай багьрийри дамахдайвал хьурай.

**- Суьгьбет авунай чухсагул.**

## ХЦИ МЕСЭЛА

ЧУН миxивал сагъламвилн замин тирдакай, чиркинвилерал эхир эцигун патал таъсирлу серенжемар къабунуникай гзаф рахазва. Важиблу темадиз талукъ месэлаяр хуърерин администрацийрин собранийрал гьалзава. Амма инсанрин гьерекат авай рекъерин къерехар, общественый чкаяр зир-зибил гадарна къайдасуз гьалдиз гьизвайбур жавабдарвилиз чИугунвай са дуъшуъшни чаз чидач. ИкI вучиз я? ИкI хьунин сеbeb вуч я? Заз чиз, и кар талукъ ксарин чпин хиве тунвай везифаяр дуъз тамамар тавун, жавабдарвал аннамиш тавун я.

И н с а н д и н

сагъламвал, неинки вичин умуми миxивиле-

лай, гьакI ам яшамиш жезвай кIвалин, санлай хуъруън миxивилелайни гзаф асул жезва. Инал миxивили инсандин культурадин дережа хкажзавайдини рикIел хкана кIанда. Гьавилай вун авай хуъре, уьмуър кечирмишзавай кIвале, ял язавай кимел виринра миxивал хуънихъ санитариядинни гигиенадин къайдайрал амал авунихъ важиблу метлеб ава. Миxивилер хуъниз фикир гузвай хуърера, гьелбетда, чиркинвилерни са акъван жедач. Инра зир-зибил, амукъаяр гадардай чкаяр чара авунва. Ихътинбурукай яз гекъигайла чавай Советск, Гьепецгьрин, Оружбайрин, Хужакъазмаярин, гьакI бязи маса хуърер къалурриз жеда. Анра куъчяр, рекъерин къерехар вахт-вахтунда миxъзава. КIвалерай гадарзавай шейэр вегьедай са шумуд хандакI туькIуърнава.

Амма гзаф хуърерин ад-

ресдиз икI лугъуз жедач, анра ихтилат физвай месэла хъана кIанзавай дережада эцигнавач. Фактарай аквазвайвал, райцентрда, гьам хуърера хейлинбуру сагъламвал сифте миxивилелай башламиш жезвайди, санитариядинни гигиенадин истемешунрал амал авун, гьар садан буржи тирди аннамишзавач. АвайтIа, абуру чеб яшамиш жезвай кIвалерин цларив, цин кранрин патарив фите-рин, цIам-кIарасдин гьамбарар кIватIдачир, къанавриз, къубуйрин гиликъай гьайванрин жендекарни чиркин шейэр гадардачир. Райондин

**КЪЕ ВУН АВАЙ ХУЪРЕ**

гзаф хуърерин юкъварай, къерехрай къанавар, къубуяр фенва, анрин рекъера суткадин къилий-къилиз автотранспортди гьерекатзава. А рекъера транспортдик ири, кулъ карч алай гьайванар, кицIер, кацер, верчер акатзавай дуъшуъшар гзаф ава. Тажуб жедай кар мадни ам я хьи, абурун жендекарни къанаврай, къубуйрай авахъзавай цериз, рекъеринни куъчейрин патарив гвай лекъвериз гадарзава. Магъарамдхуъруън юкъвай физвай къаналдай, райондин алиш-веришдин центрдин, РЦБ-дин патав гвай къубудай авахъзавай ятар агъадихъ галай хуърера яшамиш жезвай инсанри ишлемишзавач лагъайтIа, еке ягъалмишвал я.

Шаксуз, чиркин ятари руфунинни ратарин азарар арадал гьизва, инсанрин сагъламвилиз чIурукIа таъсирзава. Им экология, тебиат

векъидаказ чIурун, санитариядинни гигиенадин истемешунрал амал тавун я. Бязи хуърера, райцентрдани къилдин ксари къил-кIвач, пек-партал чуъхвей чиркин ятар какатайвал гадарун, куъчейрай физвай хуларин церик акадарун давамарзава. Кранрин целди машинар, маса техника чуъхуъзвай ятар къанавринни къубуйрин церив акахъ хьийизвай дуъшуъшарни гзаф ава.

Инал ФАП-рин адресдинни са шумуд гаф лугъун. Хуъре миxивилер хуънал гьар йикъан гуъзчивал авун медроботникрин сифте везифайрик акатзава. Гьайиф хьи, бязибуру важиблу месэла къвед лагъай дережадинди хьиз

гьисабзава. АвачиртIа, абуруз къадарсуз чиркин гьалда авай куъчяр, зирзибил гадарнавай къайдасуз гьалдиз атанвай хуларни рекъерин къерехар аквадай, тахсиркаррив жазаарни агакъардай.

Къе вун авай хуър, яшамиш жезвай, къекъезвай куъче, хъвадай яд авай кранрин патарив гвай чкаяр миxъиз хьун инсанпересвал я. Иллаки чими вахтара чиркин чкаяр гьар жуъре хаталу азарар гьидай маканриз элкъведайди садрани фикирдай акъудна кIандач.

Къе вун авай хуър миxивални къайда тун, тахсиркарвилерзавайдан вилик пад атIун, хуъруън тIвар машгур авун, неинки медроботникринни хуърерин администрацийрин, гьакI вири общественностдин везифани я.

**Р. МУРАДАЛИЕВ.**



## СТІАЛ СУЛЕЙМАНАН- 150 ЙИСАН ЮБИЛЕЙДИН КЪАРШИДИЗ

СТІАЛ СУЛЕЙМАН чаз са патахъай къалурнавай. Ам чаз советрин девирдин шаир хъиз чидай. Чакай адан гзаф шиирар ва фикирар чуьнуьхарнавай. Адан вири шиирар «Эсерар» твар алаз А. Агъаева ва С. Стальскаяди туьклуьрнавай ктабда гъатнава. Чаз икъван чавалди чизвай шииррилай алава яз винидихъ тварар къунвай ксари са жерге малум

Стал Сулейманакай гзаф алимри ктабар кхъенва, ятлани чаз ам тамамвилелди ачух хъанвач.

Гьелбетда, Сулейманан эсеррикай рахун са акъван регъят кваллах туш. Вич кел-кхъин течир кас хъанатлани, мумкин я, келзавайди садра, вадра келайлани шаирдин гъавурда акъун тавун. Месела, «Фагъума», «Амач хъи», «Я къван кар-

ман цийи девирдиз акси тир. Адаз совет девир хуш тир, амма ам Алагъдихъ ягъанвай.

*Гъар са къавмунихъ  
са пайгъамбар,  
Гъарда гана чаз са хабар,  
Ни гана ваз вилер, япар,  
Жуван сив, сарар фагъума.*

*Гафар гуьрчег, амал бетер,  
Мийир члуру веревирдер.  
Ни тухвана цавуз гъетер,  
Акьагдай гуар фагъума.*

И бендер диндиз талукъбур я. Ам Алагъдихъ, ада гайи йикъахъ агъунвай кас тир. Адаз са кваллахни тийиз, тек са чпин руфун ацлурзавай ксар кландачир. Пайгъамбардин (сас) са гъадисда лагъанва: «КапI авуна, тадиз кваллахдин гуьгъуьниз вач, дуьньядал жезвай члуру кваллахар чехи пай бейкарвилляй я...» Сулеймана вичин «Хъухъ тлун вун уях, мусурман» шиирда гьиллебазар негъзава. Вири алем вилик фейила, ада абуруз «Куьн вучиз ацукънава?»- суал вугузва.

## СТІАЛ СУЛЕЙМАНАН ШИИРАТДА ДИНДИН МЕСЭЛАЯР

тушир диндиз бахшнавай шиирар и ктабда ганва. Стал Сулейманан эсерар чавай къакъан тарал алай дигмиш хъанвай тямлу емишрив гекъигиз жеда. Абур дериндай чирун, диндин шииррикай алай несилдиз ахлакъдин, къанажагъдин рекъай тербия гун патал къачун важиблу месэла я.

1917- йисан революция жедалди С. Сулейман дуьньядиз са вилерай килигзавай, амма а инкъилабдилай гуьгъуьниз ам дуьньядиз маса вилерай килигиз башламишна. Сифте девирда диндин шиирар кхъизвай. С. Сулейман икI дегиш хъунни алааматдин кар тушир: ада вичиз тухвални чимивал гайи девир хушдиз къабулнай.

вансара», «Хъухъ тлун вун уях, мусурман», «Фана дуьнья» гъа ихътин шиирикай яз къалуриз жеда. Шаирдиз диндикай, шииратдикай авай чирвилер ам хурун дафтар, «къекъевезвай энциклопедия» яз гъисабиз жеда.

Стал Сулейманан дуьньядикай шиирар къенин йикъаз мукъва я, абур чи девирдихъ галаз алакълу я. Месела, «Дуьнья алаш-булаш хъана» шиир.

*Иеси къин таур дуьнья,  
Вун алаш-булаш хъана хъи.  
Зере къванни чина гъая,  
Амачиз, угъраш хъана хъи.*

Сулеймана вичин шиирра гзаф месэлаяр эцигнава. Ада дуьньядин гъаларикай хабар гузва. Ада диндиз икрамзавай. Им гъакI лагъай члал туш Сулей-

*Фагъум, фикир ая, килиг,  
Гъар са миллет физва вилик.  
Члугуна кутлунна къилик  
Ксумир яйлух, мусурман.*

Чаз С. Сулейманан тварни, адан шиирарни багъа я. Им а кардин нетижа я хъи, адан вири поэзия образралди къуватлу я. И карди келзавайбуруз гъар са гафунин мана дериндай чирдай, адан гуьзелвиллин нур гъисс ийидай мумкинвал гузва.

*Сад хъиз жед ви  
йикъар-йифер,  
Гумукъдач вав инин кефер.  
Акъатда ваз яргъал сефер,  
Балкландин пуар фагъума.*

Стал Сулейманан яратмишунрин гуьзелвал, мадни а кардикай ибарат я хъи, шаирди вичин гъар са шиир гъакъикъатдиз,

уьмуьрдиз пара мукьва авунва. Заз лугьуз кланзава хьи, шаирдин шиирдин гьар са цлар уьмуьрдин са легъзе я. Гьавиляй адан шиират халкъдиз, иллаки зегьметчи инсандиз пара мукьва я. И кардикай, гьелбетда, уьмуьрдин философиядикай къил акъатиз хьайи шаирди лап устадвилелди менфятни къачуна. Ихътин шииррик Сулейманан гьам айгьамдин ва гьамни яшайишдин чин ачухарзавай гзаф эсерар акъатзава. Месела, «Фагьума», «Жедайд туш», «Амач хьи», «Гьажикла», «Самовар», «Колхозчи паб Инжиханаз» ва гзаф маса шиирар гьа ихътинбур я.

Эхь, Сулейманаз я клелиз, я хьиз чидачир. Ам и кардикай магьрум тир. Амма им шаир дуьньядин, уьмуьрдин гьавурда авач лагьай члал туш. Ам майдандиз лап члехи философ хьиз экъечина. Саки гьар шиирда, темадила аслу яз, шаирди философди хьиз веревирдзава. А философ шаирдин гьа вичин гьар са келима хьиз гужлу я, къуватлу я:

*Эй Сулейман, и ви фикир  
Даим эбед ая зикир,  
Аллагьдила гьейри  
шуькуьр  
Ам гьич масадаз гьиз  
жедайд туш.*

С. Сулейманан дуьньядиз, уьмуьрдиз бахшнавай философиядин шиирда чаз тек са тереф аквазва- инкарвал. Гьавиляй ам адаз хушни туш. Вуч ийизва тежер фана дуьньядикай клан хьана?

*Гьар са касдиз къевеч  
вакай хуш,  
Дамах мийир вуна, дуьнья.  
Эхир вакай Ватан жез туш.  
Вун я гьаклан фана, дуьнья.*

Шаирдиз уьмуьрдин укьлуьцуру къадардилай артух акуна. Абур ада кланзни-дакланз дадмишна. Гьавиляй Сулейманаз дуьньядин гьалдикай хабар я. Адал шаирди ихтибар ийизвач. Гьикл ийин ам девирдин пай-

гьамбарризни «фана» дуьнья хьайила?

*Ви гьалдикай тиртла хабар,  
Саклани ийич вал ихтибар.  
Гьар девирдин пайгьамбарар  
Бес абур вутл хьана, дуьнья?*

*Хупл тушни ви хасият пис?!  
Таб жеч пайгьамбардин  
гьадис.*

*Шерик къуна на ваз иблис  
Вун зи риклиз къана, дуьнья.*

Аквазвайвал, шаир дуьньядин къисметдал рази туш. Адал къве чин хьун шаирди дуьньядин пис къилихрикай сад яз гьисабзава.

Диндин философияди С. Сулейманан шииратда гегьенш лувар ахъайнава, дувулар дериндиз янава. Адан шиирар клелайла, чаз акл жезва хьи, гуя чна шиирра тунвай Кьуръан клелзава. Сулейман садрани Аллагь риклел алачиз къекъвейди туш. Ада диндиз фикир гудай, пайгьамбардикай, пирерикай хьсан рахадай, дуьаяр клелдай, амма адаз фарслу фекъийрикай, гьарамзада къазийрикай хьел къеведай. Мусурманд хьиз, беден михьиз хуьдай, капл-тлеат ийидай, диндин адетриз гьуьрметдай. Гьакл хьайила, Сулейманан поэзияда динди вичиз чка кьун дуьшуьшдин кар туш. Ам инанмишвилини гьиссерин тлалабун тир, я ам садавайни батлуларизни жедач.

*Фагьум ая, эй мусурман  
Винеллай парар фагьума.  
Мегьти-Загьир, эхирзаман  
Жед лагьай икьрар фагьума.*

*Эхир сад югь гьана риклел  
Келима-шагьадат ая клел.  
Гзаф клеvid жеа ви гьал,  
Акьучидай варар фагьума.*

Шаирди вичин ихътин жуьредин шиирралди мусурманвилини къайдайрал амал авуниз, гьар сада вичин диндин везифаяр тамамаруниз, уьмуьрдиз фагьум авуна гьахьуниз звер гузва.

И кар шаирди мукьуфдивди

ва заргардин алахъунралди къилиз акьудзава.

*Вуч атайтлан рахаз сивел,  
Мийир вуна а асивал,  
Аллагь талад вичин садвал,  
Аятдин цларар фагьума.  
Я руьгь авачир, я жасад.  
Гьар са кардикай вич азад.  
Гьелбет, вичел*

*агьзурни сад,  
Алай къван тлварар  
фагьума.*

Стлал Сулейманан диндин ва философиядин лирикади, къилинди яз, уьмуьр ачухарзава. А карни шаирди са шиирди маса шиир давамар хьувунин тегьерда вилик тухузва. Акл жезва хьи, гуя философиядин вири шиирри тартиб арадал гьизва ва сад тир битав поэма яратмишзава. Лирикадин игит шаирдин ихътин эсера дуьнья акунвай, адан гьавурда авай акьуллу несигьатчи я. Адан несигьатчи, меслятдин гьар са гаф клелзавайдан бейниди члугвазва, вучиз лагьайтла, ам гуьрчег я, жуьреба-жуьре я. Месела,

*Эй бенде вахъ авач камал,  
Аллагь рази жедай амал  
И дуьньядай гваз фидай мал  
Вуч ужуз-масан ава ви?*

*Башламишна кар чкадай,  
Вахъди гьахъ-гьисаб  
члугвадай,  
Вичиз акваз, ваз таквадай  
Бейхабар мугьман ава ви.*

Шаирдин поэзия Каинат вич хьиз къакъан ва сирлу я. Адан шииратдин тамамвилелди гьавурда акьун акьалтлай четин кар я. Диндин философия чун паталди шаирдин шииратдин цлийи чин я. Ам чаз малум тахьунин себебар сир туш. И кардикай шаирди вичи «Амач хьи» шиирда лугьузва.

*Эй, Сулейман и ви арза.  
Я гуз жеч, я къачуз маса.  
Секиндиз акьваз, гила беса  
А къар чаз жегъиз амач хьи.*

## ТЕШКИЛЛУВИЛЕЛДИ ТУХВАНА



АДЕТ ХЪАНВАЙВАЛ, гъар йисуз гатфар алукуьникди райондин вири хуьрера субботникар тухузва. Им гъелбетда чарасуз квалалах я. Гъар са хуьруьн, идарадин сергъятар зир-зибилдикай миьна, тарар, жугъунар, паруяр асунна, ши-

рер яна ва рекин кьерехра, гъятрин патара цуьквер, кьелемар цазва.

Алай йисуз ихътин субботник Советск хуьрени тешкиллувилелди кьиле фена. Кьиле хуьруьн поселениедин коллектив аваз, 26- апрелдиз хуьруьн же-

мят суарар миьхъиз экъечна. Бубайрин мисалда лугъузвайвал, алатай вахт тахъайдаз ва алай вахт тахъайдаз къевезмай вахт жедач. Суарар миьхъун, абурухъ гелкьуьн чи гъар садан буржи я.

И сефердани субботник хуьруьн администрациядин, МЦК-дин, музейдин работникрихъ галаз санал тешкиллувилелди кьиле фена. Хуьруьн администрациядин даду патата авай пару ремонтна, суварин шадвилер тухузвай паркуна миьхъивилер авуна, асунар авуна ва ширер яна.

Гъелбетда кьуватар сад авуна тухвай гъи мярекат хъайитлани гурлу жеда. Халкъдин патай куьмеқдин гъил яр-гъи авурла хуьруьн кавхадизни са бегъем къезил жезва. Ихътин субботникар са идарайра ваъ, гъар мягъледа авуртла лап хъсан кар жеда. Мягъледин кьерехра авай чуру вежер кьалар яна, дигизвай хулар миьхъна, зир – зибилни кватна трактордив вуганайтла вуч хъсан жедай...

**А. АЙДЕМИРОВА.**

ООО ВТБ Медицинское страхование (ООО ВТБ МС)- крупнейшая страховая компания Федерального уровня, лидер на рынке обязательного медицинского страхования страны, осуществляет свою деятельность в 34 субъектах Российской Федерации, в том числе и в Республике Дагестан, Колоссальный опыт и знания, приобретенные за более чем два десятилетия деятельности, обеспечивают соответствие самым высоким стандартам качества обслуживания клиентов- а это более 24 мил-

## ЭЛЕКТРОННЫЙ ПОЛИС ОМС

лиона граждан по всей России.

**Дагестанский Филиал ООО ВТБ Медицинское страхование** осуществляет свою деятельность в системе обязательного медицинского страхования с 2005 года, имеет большой опыт работы и приглашает граждан Российской Федерации оформить заявление на получение полиса ОМС в виде пластиковой карты с электронными носителями (электронный полис).

Электронный полис ОМС в виде пластиковой карты так

же, как и полис ОМС на бумажном бланке, позволяет получить бесплатную медицинскую помощь в рамках программы государственных гарантий на всей территории Российской Федерации.

**Более того, у пластиковой карты («электронного» полиса ОМС) есть ряд преимуществ: оборудована электронным чипом, содержит уникальный номер полиса ОМС, Ф.И.О и фотографию владельца, его подпись, ее невозмож-**



ПРОКУРАТУРА РАЗЪЯСНЯЕТ

## СОТРУДНИКИ ПРОКУРАТУРЫ МАГАРАМКЕНТСКОГО РАЙОНА ПОСЕТИЛИ ВДОВ ВЕТЕРАНОВ ВЕЛИКОЙ ОТЕЧЕСТВЕННОЙ ВОЙНЫ



В ПРЕДДВЕРИИ празднования 74 –й годовщины Дня Победы работниками прокуратуры Магарамкентского района совместно с сотрудниками управления социальной защиты населения в муниципальном образовании «Магарамкентский район» осуществлен личный прием с выездом по месту жительства вдов

ветеранов Великой Отечественной войны Расуловой Сарат Абдуллаевны и Гаджиевой Хатужат Гамидовны, проживающих в селах Магарамкент и Куйсун.

Прокурор района от имени коллектива прокуратуры поздравил вдов ветеранов с наступающим праздником Победы, пожелал им крепкого здоровья и долголетия.

В ходе приема вдовы ветеранов были опрошены об имеющихся бытовых проблемах, своевременности доставки пенсий, периодичности и качестве оказания им социальной и медицинской помощи.

О высказанным Сарат Абдуллаевной и Хатужат Гамидовной пожеланиям и вопросам оперативно организовано их рассмотрение должностными лицами уполномоченных органов. В частности, при содействии прокуратуры подготовлена справка об отсутствии задолженности по выплате социальных пособий на оплату жилищно-коммунальных услуг по категории «Вдовы ветеранов ВОВ». Кроме того, совместно с главами сельских поселений принимаются меры к изготовлению и установке именных табличек на домах ветеранов войны.

## ЭЛЕКТРОННЫЙ ПОЛИС ОМС

6 ←

но подделать или передать другому лицу. Она более компактна и износоустойчива. Это очень важно, учитывая, что полис ОМС выдается бессрочно. Особенно удобна такая форма полиса ОМС для граждан, часто обращающихся в лечебные учреждения или выезжающих в командировки по России.

При оформлении полиса ОМС необходимо сфотографироваться и оставить электронную подпись на специ-

альном планшете.

Процедура получения «Электронного полиса ОМС» такая же, как и полиса ОМС на бумажном бланке: оформление временного свидетельства и получение готового полиса в течение 45 дней. Для удобства в коллективах учреждений и организаций оформление и выдача «Электронного полиса ОМС» наш Филиал производит непосредственного на рабочем месте, при этом свою Фотографию приносить

не нужно.

При подаче заявления на оформление электронного полиса ОМС необходимо предъявить документы, как и при оформлении полиса ОМС в форме бумажного бланка:

- паспорт или копия паспорта;
- СНИЛС, или копия СНИЛСа.

Электронные полисы ОМС выдаются бесплатно и действуют на всей территории Российской Федерации в рамках базовой программы государственных гарантий

ЖЕМЯТДИХЪ галаз санал капIар авун патал гъа-миша къайда хъана мискIиндиз къвезвай адан кIвач бирдан ани-кай атIана. Са шумуд гъафте алатайла, са ме-къи гъава авай нянихъ, мискIиндин имамди адал къил чIугун къарардиз къачуна. Иеси ялавар акъатиз кузвай къулан вилик текдиз ацукънавай. Имам вичин кIвализ ву-чиз атанвайди ятIа адан къил акъатзавачир. Эхир мугъмандиз салам гана ада къулан патав ацукъун теклифна.

Киснава иеси. Имамни къула къуьлер ийизвай ялавдиз килигиз кисна-ва. Са шумуд декъикъа-дилаи имамди патав гвай маша къачуна къула хъсандиз кузвай са цкIлам хкъана ва ам къе-рехдал эцигна. Ада, вич ацукънавай стулдин да-лудихъ агалтна, кисун давамарна. Текдиз эциг-навай цкIламдин ялавди гъикI нур гузвайтIа, ахпа ам гъикI явашдиз хкахъзаватIа, са аради-лай гъикI къайи хъана хкахънатIа иесидиз ак-вазва.

Са гафни сивяй

акъуд тавуна имам ся-тиниз килигна ва хъфи-дай вахт алукънавайди къатIана. Ам явашдиз къарагъна, къайи хъан-вай цIивин къуна къула авай цIал эхциг хъуву-на. Чимивал ва кузвай жуьгъенрин цIай себел яз ада цIай къун хъувуна. Имам хъфин патал ракIарал фена ва адахъ къулухъай сес агакъна: «Къил чIугунай ваз чух-сагъул, иллаки «цIун не-сигъатдай».

Зун мискIиндиз пакагъан экуьнин капIунилай къвен хъийида, инша Ал-лагъ». Иесдин чинай накъвар авахъзавай.

Чи крари гафарилай кIевиз ван ийизва. Чун тIимил яб акалзавай дуь-ньяда яшамш жезва. Гъа-вилай бязи дуьшуьшра кисна эвер гун хъсан я.

**Автордин патай:**

и къисадин автор вуж ятIа заз малум туш. Амма адан несигъатлувилини таъсир фикирда къуна, за ам газет кIелзавайбурун фикир-дизни теклифиз кIанзава.

**Фикрет ГЪАЖИЕВ.**

**КИСАЙ  
НЕСИГЪАТ**

**КВЕЗ ЧИДАТIА**



**БРЕСТ-ДИН** къеле 1941- йисан 22- июндиз немсерин къушунриз акси румар гайи сифте сенгеррикай сад я. Душ-

мандихъ вири патарихъай артуханвал авайтIани, Германиядин къушунривай ам анжах 30- июндиз къачуз хъана, вични 550 килограмм къведай 2 бомба, ахпа 1800 килограмм къведай мад са бомба вегъейдалай къулухъ. Анжах ахпа къеле кисна ва аниз немсер гъахъна. Амма къеле хувзвайбурун алакъа авачир гъвечли дестейри августдин сифте къилерал къван аксивал давамарна. Брестдин къеле 1944-йисан 28- июлдиз 1- Белоруссиядин фронтди азадна.

Ярагъкъазмайрин СОШ-дин 9- класс куьтягъайдан гъакъиндай 2005- йисуз Хаспулатова Селмиханумаз гайи ВN 0085525- нумрадин аттестат квахъуниз килигна **къуватда амачирди яз гъисабин.**

**Къилин редактордин чкадал**  
**Р. Ж. МУРАДАЛИЕВ.**

**Редакциядин адрес:**  
368780. РД, Магъарамд-хуьруьн район, Магъарамдхуьр, Ленинан куьче.

Газет гъафтеда садра акъатзава.

**Учредитель:** Администрация муниципального района «Магарамкентский район».

**Адрес:** 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.**  
**Чапун патал къул чIугуна- 15.00.**

Газетдин регистрацидин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги чIал.  
**Индекс 63340. Тираж 1400**  
**Заказ № 18**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**6+**